

144
b's

QVOMODO
LEGATVM
NVDA VOLVNTATE
ADIMATVR

AD L. III. §. XI. D. DE ADIMEND. VEL TRANSF. LEGAT

PRAESIDE

CHRISTOPH· LVDOV· CRELLIO ICTO
POTENTISSIMI REGIS POL· ET PR· ELECT· SAXON
CONSILIARIO AVLICO DIGEST· INF·
ET NOVI P· P· ORDINARIO
CVRIAE PROVINCIALIS ET SCABINATVS
ITEMQVE ORDINIS IVRIDICI
ASSESSORE

IN AVDITORIO ICTORYM


DIE IVL. A· Q· S· P· EST clō lccc XXXXII

DISPVTABIT

IOANNES CHRISTOPHORVS HEMPELIVS
LENGENFELD. VARISCVS.

VITEMBERGAE
EX OFFICINA SCHEFFLERIANA.







I

LEGATVM EST NOBILISSIMA SPECIES
 BENEFICII
 IDEOQVE CIRCVMSPECTE RELINQVENDVM.
 PAVENDVM EST POENITENTIAE ILLORVM
 • QVI VLTIMAM VOLVNTATEM
 RETRACTANT
 AVT LEGATA IMMERENTIBVS ADIMVNT.
 SPECIES SINGVLARIS PROPONITVR



BENE et sapienter SENEGA praecepit, (a)
 ETIAM ATQVE ETIAM considerandum
 esse, CUI BENEFICIVM a nobis TRIBVA-
 TVR: omnem enim fructum beneficii ac-
 cipientis fide contineri: ideoque, post-
 quam illud e manibus tuis elapsum sit,
 nullam fere actionem, nullam REPETITIONEM dari, nullum ti-
 bi iudicem succurrere, nullam legem te in integrum restituere;

A. 2

ut

(a) Senec. de Benef. L. III. c. 14.

ut tanto circumspectius ELIGERES, qui tuo beneficio ornandus videretur: denique publice interesse, VT BENEFICIO-
RVM TEMERITAS INHIBEATVR.

Enimvero, si uel GRATIAE et UTILITATIS nostrae, in tribuendis BENEFICIIS, rationem non habendam esse existimauerimus, cum illa longissime ab his abesse debeat, qui indigentibus succurrere et bene de republica mereri cupiunt; tamen, quod idem SENECA alio loco (a) ait, nec agricolae semina ARENIS committunt, nec senes illi, apud STATIVM (b) et TVLLIVM (c) quemuis arbores non sibi, sed POSTERITATI et Diis immortalibus serant, IN QVOVIS SOLO arbuta institunt, aut, quoniam nulla ex his utilitas ad ipsos peruenitura est, negligentius rem administrant. Ut quisque est uir optimus, ita maxime annuitur, ne quid illorum omnium, quae ab ipso profecta sint, pereat, aut fructu arque euentu careat, aut male collocetur.

Itaque, cum curiosius eligimus, cui beneficium a nobis tribuatur, id agimus inprimis, ut sit hoc VERE beneficium, (d) quod alteri tribuitur, hoc est, ut studio nostro et diligentia, qua alterum ornamus, reipublicae et posteris officium praestemus: cum, quod homini turpi a nobis datum fuerit, nec honestum sit, nec beneficium omnino dici posse uideatur.

Quae cum ita sint, quanto luculentius nobiliusque beneficium paramus, tanto diligentius cauemus, ne gratia illius et dignitas negligentia nostra et temeritate corrumpatur. Igitur haec providentia inprimis TESTATORIBVS commendanda

(a) Senec. de Benef. I. IV, c. 9.

(b) Statius in Symphelias, apud Cic. c. 7. de Senect.

(c) Cic. de Senect. c. 7.

(d) Senec. de Benef. IV. 9.

da est, qui nobilissimo genere officii, etiam POST MORTEM SVAM, bene de aliis merentur, ut circumspectius eligant, quorum utilitates LEGATIS ET FIDEICOMMISSIS simpliciter iubeant in tabulis SVPREMAE VOLVNTATIS. Hi enim fere, cum remota omni spe commoditatis et gratiae, quae ipsis defunctis ob merita referri ab accipientibus non potest, bona sua distribuant, et elargiantur, DEI immortalis beneficia, secundum SENECAM, (a) videntur imitari, qui et ipse quam maxima confert in quam plurimos, SINE SPE RECIPIENDI.

Quod cum veteres intelligerent, omnem testatoribus scrupulositatem permiserunt, ut, non solum ante SVPREMVM IVDICIVM, quid de illis, quos beneficiis ornari velint, sentiendum esset, inuestigare, sed etiam in ipsis tabulis TESTAMENTI fidem illorum, APPOSITIS CONDITIONIBVS, aut MODO etiam ADIECTO, tentare et experiri possent, ne quid in INDIGNVM et nihil tale promeritum ab ipsis conferretur. l. 17. §. 3. D. de *Condit. et Demonstrat.*

* Sed opportune PLATO, et idem ille, quem saepius appellauit, SENECA (b) obseruant, „DIFFICILLIMAM HVMANI ANIMI CONIECTVRAM ESSE, et non expectari posse CERTISSIMAM rerum COMPREHENSIONEM, cum de alterius fide et bonitate et animo deliberamus: Igitur ea eundem esse, qua nos ducat VERISIMILITUDO: Sic nos sere, re, sic navigare, sic militare, sic uxores ducere, sic liberos tollere, cum harum rerum omnium sit INCERTISSIMVS EVENTVS: adeoque ad ea accedendum esse, de quibus BENE SPERANDVM esse arbitremur: Hinc illi danda beneficia, quem VERISIMILE sit, gratum et non indignum esse.

A 3

In

(a) Senec. de Benef. III. c. 15. f. et IV. c. 9.

(b) Senec. de Benef. IV. c. 33.

In illa autem uerisimilitudine, cum sciat sapiens, quantum liceat **ERRORI**, (a) et quam facile nobis, colore inritorum et specie honestatis, etiam nequissimus imponat; non solum **DELIRERARE**, priusquam aliquid constituamus, et ne decipiamur ab immerentibus, cauere, sed etiam constituta **CORRIGERE**, et **MVTARE** sententiam, atque a priori uoluntate, quam testamento expressimus, discedere, denique, quod aliis destinauimus, re comperta, indignis et male de nobis meritis **POENITENTIA** **ADIMERE** licebit. Vbi enim de **MVTATIONE** **SVPREMAE** **VOLVNTATIS** quaesitum est, deseruerunt ueteres **ICti** magnificam illam **Stoicorum** **svrognantiam**, qui **NVNQVAM** **SAPIENTEM** **FACTI** **SVI** **POENITERE**, nunquam eum **EMENDARE**, quae fecerit, nunquam **CONSILIVM** **MVTARE**, tradiderunt.

Igitur, quandoquidem **TVRPITER** omnino facit, qui homini **TVRPI** et ingrato **SCIENS** beneficium uel tribuit, uel attributum etiam relinquit, ut uel fides promissi potius deferenda, quam hoc committendum esse uideatur; (b) recte a ueteribus constitutum est, semper dum spiritum ducamus, mutari posse iudicium **svpremae** **uoluntatis**. Aperte enim in illa causa admisit et probauit **VARIATIONEM** testatoris **VLP. PIANVS**, ut si **GRAVIS** **OFFENSA** interuenerit, **AD EPTVM** esse legatum, sin testatorem **offensae** prioris **POENITVERIT** et illa cum legatario in amicitiam redierit, legatum **REDINTEGRATVM** uideatur: cum **AMBVLATORIA** sit omnis **VOLVNTAS** testatoris, usque ad uitae exitum **svpremu** **l. 4. D. de Adimend. uel transfer. leg. et l. 32. §. 3. de Donat. inter uir. et ux.**

Imo uero, ut intelligatur, fuisse ueteres **MVTATIONI**
VOLVN-

(a) Id. L. IV. Benef. c. 34.

(b) Senec. IV. de Benef. c. 34. 35.

VOLVNTATIS in supremis iudiciis, luculenter idem VLPIANVS. l. 3. §. II. D. de *Adim. uel transf. leg.* NVDA, ait, VOLVNTATE ADIMI legata arque fideicommissa: Quod, uideo etiam DIOCLETIANO et MAXIMIANO placuisse, qui l. 27. C. de *Fideic.* sola POENITENTIA PROBATA, uideri ademptum legatum et fideicommissum, et praestationis necessitatem heredibus remitti, rescripserunt. Et generaliter, secundum VLPIANVM l. 3. §. 9. D. de *Adim. uel transf. leg.* quidquid DARI et ADSCRIBI potest, efficaciter etiam adimitur a testatore: ut NE LIBERTAS quidem, quamvis maxime FAVORABILIS, NECESSARIO seruis ex legato debeat, si, quod PAVLLVS et TERENTIUS CLEMENS aiunt, haec a testatore ipsi adempta uideatur. l. un. D. de *Adempt. libertat.* l. 26. D. de *Adim. uel transf. leg.*

Igitur MUTARI potest VOLVNTAS testatoris, et, ne immerenti beneficium a nobis relinquantur, legatum, quamvis RITE et UTILITER relictum, efficaciter ADIMITVR, et NVDA quidem VOLVNTATE. d. l. 3. §. II. D. de *Adim. uel transf. leg.* Sed res difficultate non carebit, si definiamus, quando legatum NVDA VOLVNTATE ADEPTVM uideatur. Neque enim quodlibet aut DICTVM aut FACTVM testatoris pro NVDA VOLVNTATE ADIMENDI AUT POENITENTIA accipietur.

Superiori quidem anno ICTIS VITEMBERGENSIBVS proponebatur eiusmodi species, in qua dubitabatur, utrum LEGATVM a testatore efficaciter ADEPTVM uideri posset. Apuleius, caelebs, Meuiam, cum qua amicissime uixisse dicebatur, heredem scripserat, sed usufructu 10000. Iochimicorum illam contentam esse iusserat. Mox, cum in morbum grauissimum, ex quo deinde mortuus est, incidisset, dicebatur, ductus POENITENTIA, Meuiam legatum ADEMISSE. Probabatur, postquam S. Coena usus esset, Notarium cum quinque testibus ad ipsum admissum esse: chartam testibus exhibitam, in

in qua nomen suum testes exprimerent: ipsum testatorem monuisse, ut adicerent, se TANQVAM TESTES nomen subscribere. Sed ipsi CODICILLI a testatore subscripti non erant. Notarius ex Protocollo exhibebat APOGRAPHVM codicillorum, ex quo apparebat, testatorem Meviae legatum ademisisse: Hic idem iureiurando etiam affirmaverat, CODICILLOS PERFECTOS fuisse, omnia ex testatoris voluntate administrata esse: saepius illum, quod Mevia de se PESSIME MERITA ET INDIGNA sit legato, ideoque nihil ex hereditate sua ad illam peruenire debeat, serio testatum esse, et iussisse, ut scriberentur codicilli, quibus legatum Meviae adimeretur. Accedebat et alius testis, qui sacramento assererat, aliquoties dixisse testatorem, Meviam IMPROBAM esse, et male de SEMERITAM, se nihil ipsi relinquere: Die Canaille hat mich betrogen, Sie soll nichts haben: testatorem perseverasse in illa voluntate, ut legatum Meviae adimeretur. Mevia, his rebus mirifice commota, producebat testes illos, qui codicillis adhibiti fuisse dicebantur. Hi ostendebant, TABULAS VACVAS sibi subscribendas a notario et testatore exhibitas fuisse: Ne vestigium quidem litterarum in illa charta, cui nomen testium inscriptum fuerit, apparuisse: si quid scriptum sit in illis tabulis: hoc postea, cum testes discesserint, adiectum videri, se praesentibus non perfectos fuisse codicillos.

In illa varietate animi iudicum in sententias diversas trahebantur. Mouebat enim, quod NEC APPARENTER tabulae codicillorum, et tempore subscriptionis VACVAE fuisse dicerentur. Occurrebat VLPIANI auctoritas, qui negat per TABULAS VACVAS, postea a testatore factas, quamvis a septem testibus signatae sint, RVMI PRIVS TESTAMENTVM. haec enim VLPIANVS l. II. D. de *Iniust. rupt.* „ si binae tabulae proficiantur, DIVERSIS TEMPORIBVS factae, unae prius, aliae „ postea, utraque septem testium signis signatae, et apertae „ posteriores VACVAE inuentae sint, id est, NIHIL SCRIPTVM HABEN.

„HABENTES omnino, SVPERIVS NON EST RVPTVM, cum
„posterius nullum sit,,

Ex his igitur caussis poterat legatum NON ADEMP-
TVM uideri. Sed placuit tamen, ad ADEMP-
TIONEM LE-
GATI non desiderari perfectos codicillos: sufficere, si SERIA
VOLVNTAS ABIMENDI LEGATVM ab heredibus PROBETVR.
Fidem et Protocol-
lum Notarii eiusque testimonium iuramen-
to confirmatum per NEGATIONEM testium, non prorsus in-
firmari, inprimis cum alius testis accesserit; qui de SERIA AD-
IMENDI uoluntate deposuerit: itaque IVRAMENTO SUPPLE-
TORIO locum dari posse; quod si ab heredibus praestaretur,
dubitari non debere, quin ADEMP-
TVM SIT LEGATVM. Quapropter responsum est: Daß es, der eingewandten Reute-
rung ungsachtet, bey vorigem, am 4. Aug. des ieztlaus-
fenden 1741sten Jahrs eröffneten, fol. befindlichen Ur-
theil nochmalß billig bleibet, Es könten und wolten
Beklagten Principalen vermitteltß Eydes erhalten,
und, daß sie das Original des in dem Notariats Instru-
mente fol. erwähnten Codicills nicht haben, noch ge-
fährlicher Weise von Händen kommen lassen, auch
nicht wissen, wo solches anzutreffen, hernecht, daß sie
gewiß glauben und davor halten, daß ihr Erblasser, bey
gutem Verstande, daß Meuia dasjenige, so er in seinem
bey dem Aunte N. niedergelegten Testamente ihr be-
schieden, nicht erhalten solle, deutlich und ernstlich sich
erkläret, auch bey dieser Meynung biß an seinen Tod
beharret, oder doch seinen wider Meuiam gefaßten Un-
willen nachdrücklich bezeigt, und sie eine Canaille ge-
heissen, auch die Worte Die Canaille hat mich betro-
gen, von ihr gebraucher, nachhero aber, vor seinem En-
de

de, mit ihr sich nicht ausgesöhnet, und, daß es dieses Vermächtnisses halber, bey obervortheiltem Testamente sein Verwenden haben solle, nicht zu erkennen gegeben, schweren Auf solchen Fall sind dieselben die in ihres Erblassers bey dem Aunte N. niedergelegten letzten Willen der Meviae ausgesetzten jährlichen 500. Thlr. so lange sie lebet, derselben zu bezahlen, und angeregtem letzten Willen dießfalls sich gemäß zu bezeigen, nicht schuldig, sondern von der erhobenen Klage zu entbinden und loß zu zehlen, die beyderseits aufgewandten Unkosten aber sind gegen einander zu compensiren und aufzuheben, D. R. W.

Res erit luculentior, ex rationibus adiectis, quarum partem aliquam exhibebo.

Ob wohl die bey diesem Codicille gebrauchten Zeugen, daß der Erblasser eines Codicills gegen sie nicht Erwähnung gethan, sie zu Zeugen nicht verlanger, und seinen Nahmen in ihrer Gegenwart nicht unterschrieben, überdieß, sie auf dem Pappiere, so ihnen der dabey adhibirte Notarius vorgeleget, etwas geschriebnes nicht gesehen, sondern, auf Verlangen des nurgedachten Notarii, ihre Nahmen nur auf einen umgeschlagenen Bogen geschrieben, umständlich ausgesagt, dahero, daß solches Codicill gebührend nicht vollzogen worden, nicht undeutlich abzunehmen, hier über das Original dieses Codicills sich nicht finden wollen, mithin auf die angegebene Revocation das Absehen um so viel weniger gerichtet werden zu können scheint, als einige Rechts-Lehrer zur ademptione legati

gati 5. Zeugen schlechterdings erfordern, im ſibrigen dem Notario die ſol. eyndlich angezeigten Ungebuhrniſſe entgegen ſtehen, hierbey auch, daß die Zeugen denen in ſeinem Protocolle und Inſtrumente angegebenen Umſtänden, obgedachter maßen, ausdrücklich widerſprochen, nicht gänglich auſſer Augen zu ſehen, demnach, daß voriges Urthel ſchlechterdings zu confirmiren, es das Anſehen gewinnt,

D. a. d. oberwehnte Zeugen, daß der Erbſaffer zu der Zeit, als der Notarius neßt denen Zeugen zu ihm gekommen, bey gutem Verſtande geweſen, auch gleich vorhero ſich berichten laſſen, und das H. Abendmahl genoſſen, vermittelſt Eydes bekräftiget, daher, daß derſelbe, gleich nach dem Genuß deß H. Abendmahls, zu dem Codicille, wenn es damit nur ein Blendwerck geweſen, auf des Notarii Befragen, nach des 3ten Zeugen eyndlicher Auiſſage, ſich bekannt, oder doch der Unterſchrift, nur zum Scheine, beygewohnt, und dieſelbe von den Zeugen, laut ihrer Depoſition ſol. verlangt haben würde, keines weges zu vermuthen, vielmehr des Notarii Protocolle, welches Er eyndlich beſtärket, wenn auch das Original des Codicills nicht mehr vorhanden, nach den 5ten Sp̃ho n. I. Kaiſers Maximiliani des erſten Ordnung derer Notarien halber, in zweifelhaften Fällen, Glauben bezumessen, deſſen fides hingegen durch die obangezogenen teſtes negatiuos nicht völlig entkräftet, ſondern durch die Auiſſage des andern unverwerflichen Zeugens unterſtüget wird, immachen aus dieſer letztern, daß der Teſtator die Meuiam eine Canaille geheißen,

sen, und die Worte: die Canaille soll nichts haben, sie hat mich betrogen, von ihr gebraucht, sich veroffenbaret, mithin Beklagte, wenn auch des Notarii eydlicher Deposition und dem Protocoll eines und das andere entgegen gesetzt werden könnte, aus solcher Zeugnisaussage wenigstens so viel vor sich haben, daß sie zum Erfüllungs-Eyde dießfalls wohl gelassen werden können, sodann aber, und wenn sie solchen Eyd wirklich leisten, dieselbigen um so viel billiger zu absolviren, als zu Wiederrufung und ademption eines legati NV D'AVOLVNTAS, und eine mit dem Legatario angefangene Feindschaft, ohne erfolgte Versöhnung, in gleichen Schimpffsworte, so der Testator wider den Legatarium ausgestossen, vor hinlänglich zu achten,

l. 3. §. 11. D. de *Adim. vel transferend. leg.*
l. 13. *eod.*

mithin die Verfertigung eines Codicills und die Gegenwart mehrerer Zeugen, wenn nur des Erblassers wahre Willens-Meynung erwiesen werden kan, zur ademption eines Vermächtnisses nicht schlechterdings erfordert wird, gleichwohl die Ermangelung des Codicills, so der Notarius, nach Inhalt des abgelegten Editions-Eydes, derer Beklagten Mit-Erben antwortet, eine Vermuthung wider dieselben erwecket, welche durch den Ihnen zuerkannten Eyd mit abzulehnen,

So ist, wie im Urtheil enthalten, von uns billig erkannt worden.

Vides NVDAE testatoris VOLVNTATI hoc tribui, ut LEGATVM, rite antea relictum, eius POENITENTIA ADEMPVTVM censeatur. Sed res digna est, de qua copiosius a nobis exponatur.

II

HEREDITAS PLERVMQVE SOLENNITER

ADIMITVR.

SUFFICIT TAMEN AD ADEMPTIONEM

SI NOMEN HEREDIS INDVCTVM AVT DELETVM

SIT.

LEGATA ETIAM TESTAMENTO IMPERFECTO

ADIMVNTVR

QVAMVIS POSTERIOR VOLVNTAS CETEROQVIN SIT

INVTILIS.

NIMIRVM, quod supra observatum est, fauemus POENITENTIAE ET MUTATIONI SUPREMAE VOLVNTATIS, ne beneficium uim suam perdat et indignis conferatur. Sed FACILIVS tamen LEGATA, quae BENEFICII duntaxat rationem habent, quam heredibus HEREDITATES, ADIMVNTVR. Aperte enim VLPIANVS docet, HEREDITATEM semel datam ADIMI FACILE NON POSSE: l. 1. §. 4. D. de *His, quae in testam. del.* Ad quem locum ANTON. FABER (*) copiose com-

*) Faber. Coniect. L. XVIII. c. 17. p. 695. sqq.

se commentatur. Imo vero luculentius idem VLPIANVS l. 2. D. de *Iniusf. rupi.* non rumpi prius testamentum, sit, nisi posterius RITE PERFECTVM esse videatur: itemque, si quid post testamentum MUTARI placeat, omnia ex integro facienda esse, l. 21. §. 1. D. *qui testament. fac.* Sed apertissime IUSTINIANVS, l. 27. C. de *Testament.* non aliter REVOCARI permittit testamenta, nisi uel SOLENNITER, uel INTERACTA, uel coram TRIBVS testibus, testator MUTAVERIT iudicium supremæ uoluntatis, et præterea, si coram tribus testibus duntaxat REVOCAVERIT, decennium etiam elapsum sit a tempore conditi prioris testamenti.

HEREDITATES igitur, nisi lapsus decennii accedat, plerumque uel SOLENNITER, uel APVD ACTA, reuocantur. Ceterum, testamentum posterius effectum careat, an subsistat, non interest. Enimvero, secundum PAPINIANVM, si quis in posteriori testamento heredes scripserit, quos instituere non potuerit, adeoque prius non vere ruptum fuerit, tamen hereditas defuncti non relinquetur illis, qui in priori testamento scripti sunt. His enim, cum SUPREMAM uoluntatem non habeant, tanquam indignis senatus ABSTVLIT HEREDITATEM l. 12. D. de *His, quæ ut indign.*

VNAM præterea uiam VLPIANVS non interclusit, qua hereditas etiam MINVS SOLENNITER heredi scripto interciperetur. Si enim INDUCTVM aut consulto delerum est, a defuncto nomen heredis, hereditas quidem non quasi ADEMPTA uidebitur, sed quasi NEC DATA heredi auferetur l. 1. §. 4. D. de *His, quæ in testament. delent.* quod uideo etiam MARCELLO et PAPINIANO placuisse l. 3. D. de *His quæ in testam. del.* l. 16. D. de *His, quæ ut indign.*

Denique uix attinet monere, si quis in fauorem heredum LEGITIMORVM, et qui AB INTESTATO ad hereditatem defuncti ueni-

ueniunt, REVQCAVERIT prius testamentum, quinque testes sufficere IUSTINIANO, l. 21. §. 3. C. de *Testam.* Hoc enim expeditum est, et ab omnibus probatur.

Itaque apparet, si REGVLAM sequamur, SOLENNITER ADIMI HEREDITATEM. Sed benignius de ADEMPTIONE LEGATORVM iudicamus. Primo enim LEGATA et FIDEICOMMISSA, si testator nomen legatarii consulto INDUXERIT, aut DELEVERIT, sine solennitate adempta videbuntur. POMPONIVS enim scribit, codicillos DELETO non ualere. l. 1. §. 5. D. de *His, quae in testam. del.* et luculenter PAVLLVS, nihil interesse, ait, INDVCATVR, quod scriptum est, AN ADIMATVR. l. 16. D. de *Adim. uel transfer. leg.* Si quid enim CONSULTO DELETVM sit, PETENTES EXCEPTIO NE repelluntur, si VLPIANVM audiamus. l. 1. §. 3. D. de *His, quae in testam. del.* Sed meretur tamen observari, INDVCTIONE aut DELETIONE NON ADIMI legatum, nisi SPECIALITER inductum aut deletum sit legatum. Quamvis enim legata sint ACCESSIO heredis institutionis, tamen, VLPIANVS ait, etiamsi nomen heredis INDVCTVM aut DELETVM sit, nisi et legata, quae AB HEREDE NOMINATIM relicta sint, SPECIALITER deleta esse appareat, in ambiguo ita rem accipiendam esse, VT LEGATA DEBEANTVR. l. 2. D. de *His, quae in testam. del.*

Itaque, si specialiter legatum DELEATVR in iudicio supremae voluntatis, ut hereditas, sic etiam LEGATA, ADEMPTA videbuntur. Neque tamen ibi substitit legis benignitas; sed FACILIVS LEGATA adimi permisit, quam hereditates. Enimvero LEGATA secundum POMPONIVM et VLPIANVM l. 18. D. de *leg. 3.* et l. 1. §. 11. D. de *Adim. uel transf. legiti.* generaliter NVDA VOLVNTATE ADIMVNTVR. Hoc enim inter ademptionem hereditatis et legati interest, quod hoc quidem

dem etiam INVITIL ET IMPERFECTO testamento adimatur, PAPINIANVS certe LEGATA hereditatibus eatenus opponit, ut, si testator aliquem heredem scripserit, et eidem legatum reliquerit, postea, inimicitii obortis, aliud testamentum facere instituerit, sed illud non perfecerit, posteriore testamento IMPERFECTO heredi non quidem hereditas, sed tamen LEGATVM ademptum videatur l. 22 D. de Adim. uel transfer. leg. Ex quo loco apparet, eodem testamento IMPERFECTO eidem personae LEGATVM ADEPTVM, hereditatem non ademptam, iudicari. HEREDITARIAE enim actiones, quod PAPINIANVS ait, ipsi non denegabuntur, sed LEGATVM si petet, EXCEPTIONE doli mali submouebitur d. l. 22. D. de Adiment. uel transfer. leg. Non multum ab hoc recedit, quod, si POMONIO fides est, quamvis illud, quod tibi legatum fuerit, in incapacem, eumque, cum quo non sit testamenti factio, INVITILITER TRANSLATVM sit, tamen quia translatum est, certe tibi ademptum videatur: cum legata NVDA VOLVNTATE adimantur. l. 20. D. de Adim. uel transfer. leg.

Eodem pertinet, quod etiam DONATIONE, quamvis INVITIL ET IMPERFECTA, legatum infirmetur. Finge, enim testatorem VXORI SVAE donauisse, quod tibi antea legauit in testamento. Finge porro, poenituisse testatorem INVITILIS DONATIONIS, illumque MORTE, quae sola his donationibus uim aliquam largitur, donationem NON CONFIRMAVISSE. Expositum est, inutilem donationem esse, quae mariti constantia et morte non sit confirmata. Sed PAPINIANVS de illa specie respondit: posteriorem VOLVNTATEM potiore esse; ideoque etsi non ualeat donatio, tamen ADEPTVM intelligi LEGATVM: cum, qui postea rem legatam alii donare VOLVERIT, certe a legato et priori uoluntate discessisse videatur. l. 32. §. 3. D. de Donat. inter uir. et uxor.

Itaque

Itaque dicemus, etiam IMPERFECTO et inuili negotio PERIRI legatum, si constet de MUTATIONE voluntatis, et DE ANIMO legatum ADIMENDI. Haud paullo aliter in CONTRACTIBVS iudicium fiet, si POSTERIORI negotio IMPERFECTO et inuili id actum sit, ut a priori negotio PERFECTO discedatur. Enimvero expeditum est, plerumque VALERE PRIVS negotium perfectum, quamuis ex posteriori appareat, mutatam esse voluntatem. Igitur ponamus, pupillum, auctore tutore, aliquid emissey: nemo dubitabit, PERFECTAM esse emptionem: sed porro faciamus, pupillum poenituisse emptionis, et, sine tutoris auctoritate, pactum esse, ut ab emptione discedatur. Apparet MUTATAM esse pupilli voluntatem, sed negotio imperfecto. Igitur PAVLLVS respondit, cum initio emptio perfecta fuerit, vix bonae fidei conuenire, eo pacto fieri, quod alteri CAPTIOSVM esse possit: l. 7. §. 1. D. de Rescind. uendit.

Vides igitur, aliud in CONTRACTIBVS ET HEREDITATIBVS infirmandis, aliud in LEGATIS adimendis, obseruari. Et habet rationem, ut aliter de contractibus et heredis institutione, aliter de LEGATIS, iudicemus. Enimvero haec quidem, cum BENEFICII naturam habeant, nisi quis in illo consilio utique ad mortem persequeret, perfecte non debentur; ideoque legatarius conqueri non poterit de mutata testatoris voluntate. Sed in contractibus durum est, IVS QVAESITVM alteri, negotio INVILI et imperfecto, quod pupillo tantum profuit, alteri nocere possit, cum magno eius incommodo et damno, extorqueri. Eadem fere ratio suadebit, ut benignius de ademptione LEGATI, quam hereditatis, respondeamus. Illud enim si adimatur, VNIVS duntaxat legatarii, sin hereditas auferatur, MULTORVM commoditas et utilitas interuertitur et infirmatur. Cum enim non solum ipsius testatoris interesse videatur, ut habeat heredem, sed creditorum etiam, illorumque, quibus ex testamento aliquid debetur, aliquando interfit, ne testator intestatus moriatur; humanius est, hereditatem non recte adimi POSTERIORI testamento IMPERFECTO.

cto: quandoquidem, si hereditatis ademptio ualeret, ex neutro testamento testatori lubrico succederetur.

Satis, opinor, comprobatum est, nuda uoluntate, etiam sine SOLENNITATE, negotio imperfecto, efficaciter ADIMILEGATVM. Igitur discederem ab hoc loco, nisi FLORENTINVS me teneret, qui, l. 14. §. 1. D. de *Adim. et transf. leg.* ex IISDEM CAUSSIS etiam ADEPTIONEM legati inefficacem esse, ait, ex quibus DATIO legati inutilis uideri possit.

Apparet legatum DARI INUTILITER, nisi in testamento, aut in codicillis: An igitur dicemus, secundum FLORENTINVM, neque ADEPTIONEM subsistere, nisi in testamento, aut codicillis, legatum adimatur?

Sed ausim affirmare, FLORENTINVM, illo loco, non de SOLENNITATE, qua legatum datur, uel adimitur, sed de MATERIA legati dandi uel adimendi cogitasse. Illud intelligitur ex illo exemplo, quod FLORENTINVS huic regulae subiecit. Ait enim: ueluti si VIAM PRO PARTE adimas, uel PRO PARTE seruum liberum esse uetes, legatum inutiliter ademptum uideri d. l. 14. §. 1. D. de *Adim. et transf. leg.* Quare dubitari non potest, illum de materia legati duntaxat disputasse; ut, quod PRO PARTE DARI efficaciter non possit, inutiliter PRO PARTE ADIMATUR. Nam constat, quae natura sua INDIVISA sunt, et partitionem non admittunt, ut VIA et LIBERTAS, nec legatum recte diuidi, ut pro parte dentur, pro parte adimantur.

III

LEGATVM VEL IPSO IURE
VEL EXCEPTIONE DOLI MALI
OPPOSITA

ADEPTVM INDICATVR.
AD HANC SPECIEM NVDA VOLVNTAS
SVFFICIT

Ex his quae adhuc disputata sunt, non potest esse obscurum, LEGATA et fideicommissa etiam sine solennitatibus,

SOLA

SOLA POENITENTIA ET MUTATIONE voluntatis, quandoque ADIMI et interuerri. Neque enim res disputatione indigeret, nisi ab eodem VLPIANO, qui l. 3. §. 11. D. de *Adim. uel transf. leg.* NUDA VOLUNTATE legatum adimi posse docuit, alio loco res in dubitationem adducta uideretur. Ille enim *Tit. XXIII. c. 29. Fragment.* TESTAMENTA duntaxat, et CODICILLOS testamento confirmatos, commemorat, quibus ADIMI legata posse uiderentur. Sed ne quidem ibi subsistit, ut TESTAMENTO uel CODICILLIS adimantur, sed praeterea praecipit, ut EODEM MODO, QVO DATVM est, legatum ADIMATUR. *d. tit. XXIII. c. 29.* In primis in ADEPTIONE libertatis seruo legatae hoc ipsi placuit, ut libertas uel TESTAMENTO, uel CODICILLIS testamento confirmatis et EODEM DUNTAXAT MODO, QUODATA esset, efficaciter ADIMERETUR. *tit. II. Fragm. c. 12.* In qua re etiam CERVIDIVM SCAEVOIAM, et PAVLVM et MARCIANVM consentientes habuit, qui l. 30. D. de *Fideicommiss. libert. l. 14. D. de leg. 2. et l. 10. §. plus i. D. de Manumiss. testament.* SCRIPTURAE mentionem faciunt, qua libertas legato seruo ADIMATUR. Si quaeris, quis sit ille MODVS, quo libertas et DARI et ADIMI possit, audiamus eundem VLPIANVM, qui l. 35. D. de *Reg. iur.* nihil tam naturale esse docet, quam EO GENERE QUIDQUE DISSOLVI, QVO EST CONSTITVTVM: ideo SOLENNITER constituta, solenniter tollenda esse.

Habes difficultatem, quam VLPIANVS nobis obiicit; superest, ut illam diluamus. Nimirum DVOBVS modis perimitur legatum; altero, cum IPSO IVRE tollitur, altero cum EXCEPTIONE DOLI MALI opposita, propterea EQVITATEM DUNTAXAT, legatum infirmatur.

Itaque si legatum IPSO IVRE tollitur, facio cum VLPIANO, et legatum NATURALITER, atque commodissime, EODEM MODO, QVO EST CONSTITVTVM, id est, uel in testamento, uel in codicillis, uel certe coram quinque testibus, ADIMI et dissolui, aio. d. l. 35. D. de *Reg. iur.* Sed una tamen non inutilis uide-

videretur obseruatio, ne credamus, ut in uerborum obligationibus dissoluendis, sic etiam in legatis adimendis, *VERBA CONTRARIA* desiderari, ut illud eodem modo, quo constitutum est, sublatum censeatur. Quaecunque enim uerba etiam a ueteribus admissa sunt, in ademptione legatorum. Occurrit eiusmodi species in l. 14. pr. et §. 1. D. de leg. 1. ubi quis eandem quantitatem saepius legauerat, sed postea subiecerat, VT SEMEL TANTVM SOLVERETVR: quamuis enim uerba non essent CONTRARIA, tamen secundum ARISTONEM, et CELSUM, et MARCELLVM, et PAPINIANVM, una tantum quantitas debetur, ceterae ADEMPTEAE uidebuntur. d. l. 14. de leg. 1. Plures eiusmodi species BARNABAS BRISSONIVS collegit. (a) Ut adeo superuacanea sit IUSTINIANI quasi noua constitutio, qua praecepit, etiam non CONTRARIIS, et quibuscunque uerbis, adimi legatum, pr. l. de *Adeempt. legat.* cum hoc diu obtinuerit, ante tempora IUSTINIANI.

Igitur *VERBA* quidem *QUAECVNQVE* admittuntur; sed *TESTAMENTIS* tamen aut *CODICILLIS* plerumque *ADIMI* legatum debet, ut *IPSO IURE* ademptum uideatur. Neque tamen in illo rigore perstiterunt ueteres, cum de *ADEMPTIONE* legati tractauerunt. Apparuit enim, fauendum esse *MUTATIONI VOLUNTATIS* in tribuendis beneficiis, et difficilius quosdam, quod *SENECA* (b) obseruat, animum appulsuros esse ad destinanda beneficia, si intelligerent, semel destinata, non sine magna difficultate, *REVOCARI* posse. Igitur, ob summam *AEQVITATEM*, et ne beneficia ad indignos perueniant, admissum est, ut quaecunque *POENITENTIA* ei *MUTATIONE VOLUNTATIS*, legatum, quasi *ADEMPTEVM*, infirmetur. Sed, cum *IPSO IURE* non sublatum sit legatum, quod testator non *EODEM MODO*, quo dedit, legatario ademerit, peti poterat legatum

(a) Brisson. de Formul. c. 144.

(b) Sen. de Benef. L. III. c. 14.

gatum, quod sola POENITENTIA, et NVDA VOLVNTATE ademptum diceretur. PETI, inquam, nihilo fecius poterat legatum, sed petens EXCEPTIONE DOLI MALI ab heredibus submouebatur. Ita enim VLPPIANVS rem interpretatur, ut, EXCEPTIONE DOLI MALI opposita, ob testatoris POENITENTIAM, legatum pro ADEMPTO habeatur. l. 3. §. II. D. de *Adim. uel transf. leg.* Idem etiam alio loco, illos, qui CONSUETO DELETA petant, docet, EXCEPTIONE submoueri, l. 1. §. 3. D. de *His, quae in testam. del.* Enimvero generaliter VLPPIANVS illum, qui ex testamento aliquid, CONTRA VOLVNTATEM TESTATORIS, id est, MUTATA eius uoluntate, et probata poenitentia, petierit, EXCEPTIONE DOLI MALI repellendum esse, ait. l. 4. §. 10. D. de *Doli mal. et met. except.* Nocet enim DOLI MALI EXCEPTIO omnibus, quibus VOLVNTAS testatoris KEFRAGATVR. l. 19. D. de *Reg. Iur.* Ideoque, secundum PAPINIANVM, etiam heres PRAELEGATVM petens a coheredibus exceptione DOLI MALI submouendus est, si testator illum, nouo testamento, remouere uoluit a spe hereditatis, quamuis non PERFICERE potuerit nouissimum illud testamentum: l. 22. D. de *Adim. uel transfer. leg.* quod supra est a nobis obseruatum. Huc etiam pertinet, quod PAULLVS illi, qui rem legatam, post signatum testamentum a testatore ALIENATAM, quamuis postea redemptam, petat, exceptionem DOLI MALI ob stare doceat, ut, nili mutatam uoluntatem testatoris, quae ex ALIENATIONE intelligatur, redintegratam probauerit, a petitione repellatur. l. 15. D. de *Adim. uel transfer. leg.* Imo uero heres cuiuslibet tertio, qui VOLVNTATEM defuncti non agnoscit, aliquid petenti, exceptionem doli mali utiliter opponit. l. 1. §. 4. D. de *Adim. uel transf. leg.*

Et habet rationem, ut, DOLO MALO, id est, iniquissime petere credatur, qui quasi ex SUPREMA uoluntate petit, quod nouerit, sibi uoluntate NOVISSIMA ademptum esse. Quae enim quomodocunque ADEMPTA sunt, secundum CELSUM et MARCELLVM, quasi NON DATA uidebuntur. l. 14. pr

D. de *Leg. 1.* Quod uideo etiam IACOBUM CUIAGIVM, quamuis a nobis dissentire uideatur, agnouisse. (a)

IIII

QVAE SIT NVDA VOLVNTAS.
PROBATIO NVDAE VOLVNTATIS
EX INIMICITIIS SVBORTIS.
VARIARE LICET

VT, QVAE QVIS ADENERIT, NOVA POENITENTIA RE-
DINTEGRENTVR.

Igitur VOLVNTAS, secundum POMPONIVM, efficit, ut ualeat, quod scriptum est in testamento l. 12. § 3. D. de *leg. 1.* quae si petenti refragetur, EXCEPTIONI DOLI MALI locum facimus. Sed de VOLVNTATE tamen et POENITENTIA, omnino CONSTET, necesse est, priusquam ADEMPVUM esse legatum arbitremur. Igitur, ut constet, de VOLVNTATE testatoris, NVDAM VOLVNTATEM, aut ANIMVM ADIMENDI VLPIANVS PROBARI iubet ab heredibus, nisi animus et voluntas testatoris ex ipso facto clucescat. l. 3. §. 11. D. de *Adimend. uel transferend. leg.* l. 7. D. *cod.* l. 11. §. 12. D. de *leg. 3.* Idem etiam DIOCLETIANO et MAXIMIANO uisum est, quil. 27. C. de *Fideicommiss.* PROBANDAM ESSE POENITENTIAM, praecipunt, ut quis petitione fideicommissi excludatur.

Sed in PROBATIONE uoluntatis NON SOLENNITAS, sed VERITAS, id est, ANIMVS SERIVS legatum adimendi, demonstratur. Quid enim opus esset EXCEPTIONE DOLI MALI, si SOLENNIS ademptio, aut certe V. testium praesentia desideraretur. Hac enim SOLENNITATE legatum ipso IURE tolleretur. Imouero eidem, quem antea laudauimus, VLPIANO satis est, si VERISIMILE esse coeperit, noluisse testatorem praestari legatum aut fideicommissum. l. 9. pr. D. de *his, quae ut indign.* Sed ad extinguendam VERISIMILITUDINEM nemo desiderabit, ut indicia uoluntatis solenniter prodan-

(a) Cuiac, ad l. 1. D. de *his quae in testam. del.* Op. T. I. p. 1113. lit. D.

dantur. Ne diutius te teneam, audiamus ALEXANDRVM, qui ne SCRIPTVRAM quidem, multo minus TESTES, postulat, sed solis RATIONIBVS, ex quibus mutatio uoluntatis intelligatur, contentus est, ut NOVISSIMAM uoluntatem, quomodocunque comprobaram, in supremo iudicio sequamur: Ita enim ille l. 5. C. *Fam. hercisc.* „Si offensam postea clementia flexerit, nouissimam uoluntatem arbitrer familiae herciscundae sequetur. SED ILLVD, LICET SCRIPTVM NON PROBETVR, ALIIS tamen RATIONIBVS DOCERI nihil impedit: praesertim si talia merita deprehenduntur, ut ira domini POTVERIT mitigari.“

Ex quo loco intelligitur, ex illis, quae CIRCVMSTANT, iudicandum esse, utrum mutauerit defunctus uoluntatem: adeoque sufficere, si circumstantiae FACTI, ex quibus de ADEMPTIONE fieri iudicium possit, ab herede COMPROBENTVR.

Sed PROBATIONEM ne quis subtilem aut scrupulosam et plenissimam desiderari existimet, idem ALEXANDER, alio loco, VOLVNTATIS quaestionem in AESTIMATIONE IUDICIS positam esse, et nulla fere certa et perpetua regula contineri, docet. l. 7. C. de *Fideicommiss.* ut ausim affirmare, si quid deesset PROBATIONI, iudicem IVRAMENTO uel SUPPLETORIO uel PURGATORIO posse locum relinquere, quo dubitatio suborta dilueretur.

Res erit luculentior, si eamus per exempla, ex quibus capiamus INDICIUM MUTATAE VOLVNTATIS. VLPIANVS quidem l. 3. §. 11. D. de *Adimend. uel transferend. leg.* et l. 4. eod. et l. 9. D. de *His, quae ut indign.* INIMICITIAS inprimis commemorat, ex quibus iudicetur, testatorem ADIMERE legatum uoluisse. Vnum duntaxat monet, ut CAPITALIS sint, uel GRAVISSIMAE, non LEVIS quaelibet OFFENSA, quibus PROBATA fideicommissum ademptum censeat: et cessare ademptionem, si iterum redierit in gratiam cum fideicommissario testator, et ipsum POENITVERIT prioris offen-

offensae: Hoc enim si acciderit, REDINTEGRARI fideicommissum.

Sed quis credat, illas vices offensae et amicitiae et gratiae redintegratae, SOLENNITATEM aliquam poscere, quae si neglecta fuerit, voluntas nouissima habere exitum non possit. Enimuero, si Parmenionem apud P. TERENCEM (a) audiamus,

IN AMORE haec omnia insunt vitia: INIVRIAE,
SUSPICIONES, INIMICITIAE, INDVICIAE,
BELLVM, PAX RVRSVM:

Irenique alio loco: (b)

Amantium IRAE, AMORIS INDEGRATIO SVNT.

Enimuero solent AMANTES sibi invicem gravissime irasci et tanto gravius indignari, quanto pluribus beneficiis alter alterum obstrictum tenent. Sed, in illa conglutinatione animorum, plerumque non difficilis RECONCILIATIO et in gratiam reditus. Haec omnia plerumque REMOTIS ARBITRIS, aut certe, quae natura amicitiae est, ADMISSIS PAUCISSIMIS, geruntur. Non solemus solenniter in apicam lucem proferre, quae inter amicos aliquando suboriuntur, odia illa temporaria, quamvis gravissima interdum, et cum magna concitatione animorum saepissime coniuncta. Igitur frustra in his SOLENNITATEM requisiveris.

Non equidem ignoro, quid IACOBO RAEVARDO (c) in mentem venerit, cum de inimicitiis CAPITALIBVS ET GRAVISSIMIS, quas VLPIANVS in ADEMPTIONE legati desiderat, commentaretur. At enim, INIMICITIAS DENVNCIATAS intelligi, quas quisque SOLENNITER profiteri et inimico indicare soleat, ut sciat, sibi cum adversario similitatem esse.

Sed res ipsa loquitur, VLPIANVM non de DENVNCIA-

TIS

(a) Terent. Eunuch. I. sc. 1. n. 14. sqq.

(b) Terent. Andr. A. 3. lll. sc. 3. u. 23.

(c) Raevard. de *Diuors.* Reg. Iur. c. 19. Op. T. I. p. 187. Id. Varior. L. V. c. 15. p. 742. sq.

TIS duntaxat INIMICITIIS sentire: cum etiam POENITENTIAE et saepius RECONCILIATAE GRATIAE mentionem adiunxerit, quae non confestim, nec facile, in DENVNCIATIS inimiciis speratur. Ne quis dubitet, audiamus eundem VLPIANVM, qui l.32.§. 3.D. de *Donat. inter uir. et ux.* ex CONIVGVV DISSIDIIS exemplum capit, cum constet coniuges plerumque SINE SOLENNITATIBVS inter se rixari. Ita enim VLPIANVS: POENITENTIAM SVPREMAM accipere debemus. Proinde“ si VXORI donauit, deinde eum POENITVIT, MOX DESIIT“ POENITERE, donationem ualere, ut SVPREMVM eius iudicium spectemus: Quemadmodum circa FIDEICOMMISSA“ solemus, uel INLEGATIS, CVM DE DOLI EXCEPTIONE“ TRACTAVS: ut sit ambulatoria uoluntas eius, usque ad“ uitae exitum supremum.“

Vides in indignatione et poenitentia testatoris, ex qua ADEPTIO legati iudicator, idem iuris esse, quod in RIXIS CONIVGVV, qui modo alter alteri donant, modo indignantur, modo in gratiam redeunt: ut in utrisque SVPREMVM IUDICIUM, id est uoluntatem illam, in qua usque ad uitae exitum PERSEVERENT, maxime spectemus.

Igitur nemo dubitare potest, quin illo, quem supra excitauimus, loco, l.3.§.II. D. de *Adim. uel transf. leg.* GRAVIS- SIMAE INIMICITIAE tales significant, quae cum indignatione, et AVERSATIONE, coniunctae sint, et facto luculento indicentur, ut uerisimile sit, quod VLPIANVS l.9.pr.D. de *his, quae ut indig. aufer.* ait, ut, inquam, sit VERISIMILE, testatorem NOLVISSE legatum praestari, quod illi, quem postea auersatus sit, reliquerit in testamento.

Solam igitur AVERSATIONEM ET POENITENTIAM requirimus, sed illam, in qua quis usque ad mortem perseuerauerit: et, si crebro offensa et gratia per uices permutatae sint, VOLVNTATEM NOVISSIMAM sequemur. Sed ad hanc VERISIMILITVDINEM, inhumanum esset, si quis uel proba-

tionem SOLENNITATIS, uel omnino FLENAM PROBATIONEM desideraret.

Superuacaneum erit, commemorare illa INDICIA, quibus OFFENSA ET ALIENATIO atque animorum disiunctio probe-
rur. Vnum tamen attinet monere, PROBRA inprimis, quae legatario a testatore inferantur aut obiciantur, VOLUNTATEM legatum adimendi continere. Hoc enim MARCIANVS, l. 13. D. de *Adim. uel transf. leg.* ex rescripto DIVI SEVERI ET ANTONINI obseruauit, ut, si testator POSTREMA SCRIPTURA, quaquā ratione motus, PESSIMUM libertum esse, adiecisset, ea, quae PRIORI scriptura ei relicta fuerant, ADEMP-
TA uideantur. Igitur sola execratiō testatoris efficiet, ut PROBARI possit MUTATIO supremāe uoluntatis. Hoc etiam PAVLLO placet, qui l. 29. D. de *Adim. uel transf. leg.* praecipit, si quis libertum, qui in priori parte testamenti lega-
tum acceperat, postea, eadem scriptura, INGRATVM appel-
lauerit, hunc, COMMUTATA uoluntate, actionem ex testamen-
to non habere.

Sed, ne quis existimet, MARCIANVM atque PAVLLVM SCRIPTVRAM SOLEMNEM desiderare, quamuis SCRIPTURAE mentionem faciant, obseruandum est, illos, primo, non SCRIP-
TVRAM, tanquam FORMAM, praecipere, sed in EXEMPO dun-
taxat ponere scripturam: secundo, non omnia quae testamen-
to adscribuntur, SOLENNITER, id est, CORAM TESTIBVS ad-
scribi testamento, sed multa, quae MUTATIONEM uoluntatis
contineant, POST CONSUMMATIONEM testamenti adici sub-
inde. Hoc enim ex VLPIANO, l. 1. §. 2. D. de *His, quae inte-
stam. delent.* intelligitur. Itaque non incommode MARCIA-
NVM ET PAVLLVM ita interpretabimur, quod tractent de PRO-
BRIS, quae testator legatario obiecerit, post consummationem
testamenti. In his enim omnibus PAPINIANVS PROBATIO-
NEM duntaxat requirit, non SOLENNITATEM. l. 4. D. *eod.*

Accepisti igitur, POENITENTIA VERISIMILI CINCTA
VOLUNTATE PROBATA, ademptum legatario beneficium ui-
deri

deri: sed AMBULATORIAM esse illam voluntatem: hinc, VARIATIONEM admitti: ideoque, ut ADEPTIONEM, PROBATA poenitentia, ita REDINTEGRATIONEM legati, PROBATA RECONCILIATIONE CINOVA gratia, sine SOLENNITATIBUS doceri posse. Discederem igitur ab hoc loco, nisi operae pretium esset, admonere, uti POENITENTIAM CINVATIONEM voluntatis, ita nec RECONCILIATIONEM ET REDINTEGRATIONEM legati et gratiae, praesumi, nisi indicis luculentis demonstraretur: ideoque sufficere ad ademptionem VETERES inimicitias, nisi reconciliatio probetur. SCAEVOLA tractavit eiusmodi speciem l. 31. §. 2. D. de *Adim. uel transf. leg.* Seia Titio legauerat auri pondo quinque: Titius Seiam postea capitis accusat: ut grauissimae inimicitiae subortae videantur. Seia post accusationem codicillos facit, sed legatum Titio expresse non adimit; postea decedit. Videri posset Seia remississe iniuriam Titio, cum confectis post inimicitiam codicillis, in quibus commodissime legatum retractare potuisset, tamen Titio non ADEMERIT legatum. Sed SCAEVOLA asseruit, legatum non deberi, cum ademptum videatur, neque, ex silentio in codicillis, remissio iniuriae et gratiae redintegratio probetur. d. l. 31. §. 2. Et generaliter PAVLIUS PROBATIONEM NOVAE voluntatis, quamvis NON SOLENNIS, desiderat, si semel MUTATA sit voluntas testatoris. l. 15. D. de *Adim. uel transf. leg.* cum non possit poenitentia poenitentiae praesumi.

Satis, credo, expediuius, solennitatem aut quinque, testes, non desiderari, in ADEPTIONE legatorum, nec PLENAM PROBATIONEM exigere, sed sufficere, si ex VERBIS uel FACTIS testatoris VERISIMILE indicium MUTATAE VOLUNTATIS eruatur. Ex his igitur apparebit, quid mouerit ICTOS VITEMBERGENSES, ut in illa specie, quam supra p. 8. sqq. proposuimus, ADEPTUM Meviae legatum iudicauerint, si heredes, post semiplenam probationem, iurarent, testatorem uerbis legatum Meviae ademisse, illique indignatum esse, et probra illi intulisse,

lisse, et in illa poenitentia perseverasse. Sed Cuiacivs (a) nobis scrupulum iniicit, et negat, NV DAM etiam testatoris VOLUNTATEM intelligi, nisi coram TRIBVS TESTIBVS sit expressa a testatore: ut voluntas NVDA, quamvis SERIA, TRIBVS testium praesentiam desiderare videatur. Inuocat enim auctoritatem IUSTINIANI, qui l. 27. C. de *Testam.* anteriores constitutiones corrigit, ne REVOCARI posset testamentum, nisi testator CORAM TRIBVS TESTIBVS declararet mutationem voluntatis.

Sed Cuiacio quidem satisfiet, si respondebimus, aliud in ADIMENDIS HEREDITATIBVS et TOTO TESTAMENTO RETRACTANDO, aliud in LEGATIS adimendis, obseruari: quod supra diligenter a nobis comprobatum est. Neque enim STRICTAE INTERPRETATIONIS ratio permittit, ut legem CORRECTORIAM, qua de reuocatione HEREDIS INSTITUTIONIS et TOTIVS TESTAMENTI tractatum est, ad LEGATA proferamus, quorum ademptio, omnium veterum consensu, sola PROBATIONE voluntatis sustinetur.

Neque vero THEODOSIVS nobis multum obstabit, qui l. 8. §. 3. C. de *Codicill.* in omni ultima voluntate, praeter testamentum, v. TESTIVM praesentiam desiderauit. Dicemus enim, illud plerumque obtinere, si quid RELINQUATUR suprema voluntate, non si HAEC REVOCETVR, AUT RELICTA ADIMANTVR. In his enim nihil THEODOSIVS mutauit.

Sed magis fere HONORIVS nobis aduersatur, qui l. 20. C. de *Testament.* negat. SOLENNITER SCRIPTA testamenta, sine SCRIPTURA, commode MUTARI, aut hereditates, sine SCRIPTO in PRINCIPEM transferri posse. Diluetur illa difficultas, si cogitaueris, HONORIVM de HEREDITATIBVS, non de legatis, de TRANSLATIONE, non de ademptione et reuocatione nuda, de TRANSLATIONE in PRINCIPEM, non de alii mutationibus, tractasse.

Sed instat Cuiacivs, certe, si quis CONSTITVERIT, coram

(a) Cuiac. Consultat. LV. Op. T. I. p. 708.

ram testibus legatum reuocare, et hoc non perfecerit, non sufficere PROBATIONEM NVDAE VOLVNTATIS ad legatum adimendum. Hoc enim et LABEON ET SERVIO ET IAVOLENO uidetur placuisse, qui testatorem, si COEPERIT testamentum facere, nec perfecerit, intestatum decessisse aiunt. l. 25. D. *qui testam. fac. poss.* Posset igitur uideri, Apuleium in specie, quam p. 8. proposuimus, non efficaciter legatum adimisse, quamuis de eius uoluntate constitisset. Apparebat enim, conuocatos fuisse testes, uoluisse testatorem codicillos facere, nec tamen illos perfecisse: cum testes fere, tabulas, in quibus ipsi nomen suum scripserint, VACVVS fuisse, affirmarent.

Sed faciemus cum IAVOLENO, si de CONDENDA uoluntate suprema, non si de ADIMENDIS LEGATIS, de quibus nihil IAVOLENVS addidit, tractatur. Haec enim, quamuis testator uoluerit testamentum facere, et quamuis illud non perfecerit, NVDA VOLVNTATE adimuntur: quod ex PAPINIANO l. 22. D. de *Adimend. uel transf. leg.* supra est a nobis demonstratum

V

ADIMITVR LEGATVM
PER ALIENATIONEM VOLVNTARIAM.
ADEMPTIO TACITA.

ADEMPTIO LEGATI SVB CONDITIONE, QVINQVE TESTES
DESIDERAT.

ADEMPTIO LEGATI STRICTE ACCIPIENDA EST.

AVCTORITAS FORI ET INTERPRETVM.

IGITVR, ut rem totam finiamus, dicendum est, legatum uel IPSO IURE, id est, coram quinque testibus, solenniter, uel OPE EXCEPTIONIS DOLI MALI, perimi et interuerti, et quidem uel VERBIS expressis, cum indignatione aliqua coniunctis, uel FACTIS etiam quandoque, quam speciem GAIVS TACITAM ADEMPTIONEM appellauit: l. 5. D. de *Adim. et transf. leg.* Sed has quidem duas ademPTIONIS species postremas sola PROBATIONE VOLVNTATIS sustineri, copiose demonstratum est.

EXCEPTIONE enim DOLI MALI sustinentur. l. 3. §. 11. D. *de Adm. uel transf. leg.* Vix autem opus esset EXCEPTIONE, si ipso iure, coram quinque TESTIBVS, eodem modo, ut constituta sunt, reuocarentur.

DE FACTIS autem, per quae legatum adimitur nolo iam cuiquam uerbosa disputatione molestus esse: cum et alio loco de hoc argumento exponere constituerim, et res a multis interpretibus sit expedita. Sufficiet, quaedam extremis digitis a nobis indicari. De DONATIONIBVS quidem, quibus res legata a uiuo testatore in alios transfertur, MODESTINVS l. 18. D. *de Adm. uel transf. leg.* obseruauit, per illas perimi legatum, nec quaerendum aut probandum esse, QVO ANIMO ET EX QVA CAUSSA donauerit testator, CVM MANIFESTA SIT VOLUNTAS ADIMENDI. Sed de VENDITIONIBVS ET ALIENATIONIBVS rerum legatarum PAVLLVS et PAPINIANVS obseruant, si testator res legatas ALIENAUERIT, et pretium rerum in patrimonium redegerit, legatum non deberi: quamuis nulla fuerit offensa inter legatarium et testatorem, l. 15. et l. 25. D. *eod.*

Addit PAVLLVS, legatum per ALIENATIONEM non solum ADEMPTVM uideri, sed ne quidem redintegrari, quamuis rem antea alienatam postea recuperauerit aut redemerit testator; cum sufficiat SEMEL MUTATAM esse uoluntatem, nisi legatarius PROBAUERIT NOUAM uoluntatem testatoris, d. l. 15. D. *eod.*

VLPIANVS tamen ALIENATIONEM NECESSARIAM excepit, ut, si VRGENTE NECESSITATE rem legatam alienauerit, legatum nihilominus efficaciter petatur, nisi ex aliis iudiciis non obcuris PROBAUERINT heredes VOLUNTATEM ADIMENDI l. 11. §. 12. D. *de leg. 3.* Sed res ipsa loquitur, non difficilem probationem heredibus futuram; cum, qui in eiusmodi NECESSITATES incidit, nisi magna conuersio fortunae subsequatur, plerumque dimittat animum liberalitatis exercenda. Sed haec alia ex iis, quae circumstant, iudicanda sunt, et plerumque iudicis arbitrio definiuntur. l. 7. C. *de Fideicommiss.*

Contra

Contra uero LIBERTAS FIDEICOMMISSARIA serio deltinata, secundum PAVLLVM atque VLPIANVM, nunquam ALIENATIONE interuertitur: neque interest, ex qua causa seruum alienauerit testator: semper enim in hac specie seruo debetur libertas l. 29. et l. 24. §. 21. D. de *Fideicommiss. libert.*

Apparet igitur, QUOMODO ET QUANDO PROBANDA SIT VOLVNTAS ADIMENDI. Sed opportuna occasio est, ut admonemus, STRICTE accipienda esse, quae de ADEMPTIONE legatorum disputantur. Primo enim SOLA MUTATIONE REI LEGATAE, quamuis illa nomen suum perdat, secundum VLPIANVM, non uidetur semper, ademptum beneficium a testatore; l. 44. §. 2. fqq. D. de *Leg. 1.* Cum VOLVNTATIS MUTATIO desideretur. Ita enim VLPIANVS cum PAVLLO, qui l. 88. de *leg. 3.* ab ipso uidetur dissentire, in gratiam reducendus est, ut uoluntas, in hac specie, ex reliquis rebus, quae circumstant, iudicanda sit.

Deinde generaliter idem VLPIANVS, in AMRIGVO ita rem accipiendam esse, ait, VT LEGATA DEBEANTVR l. 2. in fin. D. de *His quae in test. del.* Ex hoc fonte deriuatum est, quod, si duobus eiusdem nominis testator separatim aliquid legauerit, et uni ademerit, neque appareat, CUI ADEPTVM SIT, utrique legatum debeatur. l. 3. §. 7. D. de *Adim. uel transf. leg.*

Denique nec omittendum est, si SVB CONDITIONE ADINATVR, quod pure ante legatum, magis esse, quod NON TENET CONDITIO, nisi coram V. testibus, uel in testamento, uel codicillis, CONDITIO adiciatur. Et DIOCLETIANVS quidem et MAXIMIANVS permittunt, ut legatum non pure duntaxat, sed etiam SVB CONDITIONE, adinatur. l. 17. C. de *Legat.* Sed multum interest, quod POMPONIVS l. 16. D. de *Iniust. rupt.* obseruauit, QVALIS SIT CONDITIO, sub qua testator aliquid ademit. Si enim INPRAESENS uel FRAETERITVM collata sit conditio, apparet, per se CERTAM ET PVRAM esse uoluntatem testatoris, quae incerta tantum oratione exprimitur; cum testator duntaxat dubiter, de re illa praesenti uel praee-

praeterita, quam si penitus cognouisset, pure mutauisset uoluntatem. Haec igitur talia pro CONDITIONIBVS hoc loco non accipimus, cum de ademptione legati disputamus. Pura enim ademptio uidetur, si illa a conditione in praesens uel praeteritum collata pendere iubeatur. Sed haud paullo fecius iudicandum est, cum a FUTURO EVENTU testator SUSPENDIT, utrum praestari debeat legatum. In hac enim specie dubitari non potest, non tam SVB CONDITIONE ADIMI legatum, quam potius illud, quod antea pure datum sit, IAM DARI, SVB CONTRARIA CONDITIONE. Enimuero, si dixerit testator, Caio, NISI UXOREM DUXERIT, adimo legatum, ita hoc accipiendum erit, ac si dixisset, Caio, si uxorem duxerit, relinquo illud, quod ipsi a me legatum est. Luculenter IULIANVS atque FLORENTINVS l. 10. et l. 14. D. de *Adim. et transfer.* praecipunt, legatum, si SVB CONDITIONE AD-EMPTVM SIT, perinde accipi, ac si SVB CONTRARIA CONDITIONE DATVM ESSET. Sed constat LEGATA nisi coram V. testibus, efficaciter NON DARI ET RELINQVI POSSE. Igitur, conditio non tenebit, quamuis probeatur NVDA VOLVNTAS testatoris; nisi coram quinque testibus conditio adiciatur.

Habesiam omnia, opinor, et intelligis, PYRAM ADEPTI-ONEM praesentiam quinque testium non desiderare. Si ueteres tibi non sufficiunt, certe auctoritati magnorum interpretum non nihil tribuetur. Appello enim COLEROS, (a) CAR-POVIO, (b) SCHNEIDWINOS, (c) HOPPIOS, (d) BEY-EROS, (e) COCCIOS, (f) WERNHEROS, (g)

Qui uel singuli sufficient ad fidem faciendam.

(a) Coler. P. II. decis. 49.

(b) Carpz. P. III. Const. 1. def. 19. n. 1.

(c) Schneidevvin. ad tit. Inst. de Ademptione legat. n. 15.

(d) Hoppius ad h. t. Inst. p. 481.

(e) Beyer. ad Instit. h. t. pos. 2. §. 12.

(f) Coccei. Iur. Controu. T. II. L. XXXIV. tit. 4. qu. 1.

(g) Wernh. *Sch. d. Obseru.* Forens. 300. P. I.